



~ 16
 2346
 17



2346
卷21-17

記言別集卷之十八

丘墓文

吉昌府院君權公墓誌銘

公諱恢字思省姓權氏高麗太師幸之後也皇
 曾祖考旭司導寺副正 贈承政院左承旨皇
 祖考振典牲署叅奉 贈戶曹叅判皇考常有
 至行 宣祖世以繕工監正特加通政又以壽
 考進同中樞後推 恩追爵領議政東興府院
 君妣安定羅氏禦侮將軍云傑之女也追封貞
 敬夫人皇明 世宗皇帝嘉靖三十二年五月



廿四日公生生有異質才藝早成二十四擢庭
試第一人其明年我 昭敬十年登謁聖乙科
及第選槐院俄遷藝文館檢閱辛卯在諫院論
已丑寃獄左相澈江界安置壬辰之亂 上西
狩公為執義爭之曰不可禮國君死社稷大夫
死衆 上雖不從感其言 賜佩劍以賞之明
年 帝遣提督李如松率南北官兵四萬克復
西京公以御史管輸海西京畿等道藹粟時澈
復三南都體察使卽啓 上以公為從事彼既
深恨於公以為一朝釋憾身留江華而遣公南

路治兵事賊方據京城南方道不通人皆曰此
迫人於死地必死無生還公曰主辱矣人臣義
不辭死無畏色時提督敗折於高陽與賊連和
諸路始通公以御史巡撫湖南大夫人歿而歸
賊仍居南邊聲言再舉丁酉果益兵臨我人心
大懼中外擾亂 上選於羣臣公以應教特差
告急正使如京師亦無副介而專任之公受
命卽行三十日薄京師既上奏日愬兵部軍門
以國弱賊強危迫存亡之急言輒泣下軍門索
地圖仍問我城池器械兵甲積儲與賊兵屯據

丁酉清兵乃此據也
事也

要害公誦地誌作輿地圖具列賊路與我殘破
狀開示纖悉舉無遺策軍門大悅以為賢才而
以至軍吏士立左右者亦莫不變色歎息云云
卽覆奏奉 聖旨發南北水陸官兵及山東粟
公曰事已急矣調兵遠餽道里窵絕必不相及
乞先發遼廣粟及南兵已在永平者出救請質
筋角硝黃以還於是發南北精兵至者一萬二
千又大兵繼之合十四萬人冬賊薄畿甸天兵
擊却之賊仍屯兵海上築壘相望六百里大兵
皆南下明年以戶曹叅議出為黃海道觀察使

授臣知楊經丁
用李沙穆等印

時海右新剗兵庶事板蕩方師旅未定車騎
過者日相接於道需應萬端公身勤苦不失將
士心又撫存不怠夷子出為羅州當大亂初定
為治以弛力寬民為務三年入政院至右承旨
二年改刑曹叅議明年復為戶曹時議定宣武
功臣位次公在原從 上曰丁酉却賊抹亂某
功力居多不宜在原從 命錄元功三等 賜
効忠仗義宣武功臣號秩嘉善大夫封吉昌君
明年以大司憲特加資憲為全羅道觀察使兼
甄城尹政刑平而黜陟嚴金相國塗嘗為屬邑

權公丁酉請兵切至
特 委錄元功三等
命錄元功三等
命錄元功三等

以法逐去亦不以愠而以稱曰廉直無私有古
廉使風云丁未入為禮曹判書戊申 上登遐
公掌喪禮詔相光海既新立鄭仁弘用事易置
先王公卿諸近臣公罷禮曹己酉以監修 太
廟陞正憲甲寅享新舊功臣加崇政進一品二
年奉使如京師還又二年正月廿七日卒於正
寢春秋六十六訃聞 賜賻吊如儀追爵議政
府領議政吉昌府院君有司治葬事至成葬墳
墓在富平之水吞公少受學於順川都正瑄得
聞修己之方先府君每以慎交遊勤已奉公為

訓故公行己必正交際必慎行其誼不顧其利
害立朝四十餘年一以怠官曠職為戒莊重少
言語居處必嚴兄弟三人皆至貴顯比肩於朝
門戶盛大恒退讓無滿色一以居簡守禮為家
令父母已老每退朝必侍側終日事之猶恐不
得盡於懽心及其居喪喪事必誠必信亦猶恐
不得盡於禮也己丑先公之喪公在玉堂侍
經筵日久 上令有司恤其喪 恩禮甚厚莫
不曰榮後官益盛年至耆艾必致愛如事存其
有水土佳味亦非薦不食一事不敢忘孝也沒

身不衰有一妹寡居無子必同館而爨一如父母之視之也兄知樞公年高事之如事父凡甘旨之養衣服溫涼亦無不順適每受祿俸必頒諸親戚之貧者不以有無問於家敦厚有容謙約下士未嘗言人之過而喜揚人之善戊申以來閉門自守言不及時事方疾革聞廢太妃之議決猶扶而起仰天太息流涕曰人之道滅矣與兄叅判公相對慨然無與言取紙筆書數語以相示而已時諸諫者皆得罪及光海相孝純率百官庭請叅判公嘆曰言之徒無益謝不

出因坐廢公平生喜讀易善於知人嘗在翰苑有僚友欲以鄭汝立擬薦者公曰此人非吉人終不許當時其人名譽日盛舉世多趨之唯公及執義李敬中不取也及己丑事作諸薦引者皆得罪公知遇宣祖甚倚任之叙其履歷藝文館檢閱承政院注書成均館典籍直講司藝戶曹佐郎刑曹禮曹兵曹佐郎正郎侍講院司書文學弼善司諫院正言獻納司憲府持平掌令執義弘文館副修撰修撰副校理校理應教知製教自丁酉使還政院至右承旨刑曹叅

議戶曹叅議叅判漢城府右尹憲府大司憲禮
曹判書都摠府都摠管補外者二通津羅州任
方面者二黃海全羅等道觀察使夫人崔氏籍
全州司諫院獻納克成之孫工曹正郎沫之女
也夫人平生無疾言遽色雖婢僕下賤未嘗以
罵詈加之事舅姑家已貴盛必躬執烹飪以養
封貞敬夫人嘉靖三十年十一月三日生萬曆
四十八年十一月十九日卒享年七十生七男
二女男豐德郡守信中義禁府都事必中延日
縣監景中司憲府監察正中翊衛司司禦謹中

戶曹佐郎審中進士偉中二婿吏曹佐郎柳懔
刑曹叅議李時煥郡守三男一女男大任大鳴
大式大任尚翁主為吉城尉婿朴尚彬都事六
男五女男大德大淳大淑大胄大夏大華五婿
崔璉李慶會正郎尹惟謹佐郎李昌炫池汝寬
縣監二男二女男大復大壯二婿縣令柳重炯
李德升司禦四男三女男觀察使大運縣監大
胤大遠大述大胤為仲父監察正中後三婿司
諫李堂李時繼宋珩佐郎二男三女男大敏大
益三婿宋道凝李萬盧思敏進士一男三女男

公山縣監大載三婿李壇崔東老李命麟皆生
員至曾玄之世凡百餘人天之報施必於厚
德者信如是也公之賢能功業列其大者方國
家大亂能勞身竭力跋涉四千里動天子威
靈出兵伐賊社稷不亡功既高矣亦不自言
上擢置元功之列及光海政亂擯斥且十數年
亦未嘗感感於色辭進不隱賢退無怨尤周傳
所謂忠義以濟寬樂善終者公有焉銘曰
篤於仁純且忠勤王室致匪躬際昌辰崇且
亨勒功彝鼎百代之名又其天道之報子孫之

繩繩

贈吏曹判書權公墓碣銘

原任判戶曹權公居太夫人憂將樹碣於先公
之墓以先訓世德問銘於陽川許穆必誠必慎
一以溢詞為戒亦古之君子論撰以禮者也穆
雖孤陋受託甚重安敢以辭讓為事謹叙之曰
公諱謹中字汝精姓權氏其先本永嘉人高麗
太師韋之後也高祖諱旭司道寺副正 贈承政
院左承旨曾祖諱振典牲署叅奉 贈戶曹叅
判祖諱常以善行特聞同知中樞 贈議政府

公山縣監大載三婿李壇崔東老李命麟皆生
員至曾玄之世凡百餘人天之報施必於厚
德者信如是也公之賢能功業列其大者方國
家大亂能勞身竭力跋涉四千里動天子威
靈出兵伐賊社稷不亡功既高矣亦不自言
上擢置元功之列及光海政亂擯斥且十數年
亦未嘗感感於色辭進不隱賢退無怨尤周傳
所謂忠義以濟寬樂善終者公有焉銘曰
篤於仁純且忠勤王室致匪躬際昌辰崇且
亨勒功彝鼎百代之名又其天道之報子孫之

繩繩

贈吏曹判書權公墓碣銘

原任判戶曹權公居太夫人憂將樹碣於先公
之墓以先訓世德問銘於陽川許穆必誠必慎
一以溢詞為戒亦古之君子論撰以禮者也穆
雖孤陋受託甚重安敢以辭讓為事謹叙之曰
公諱謹中字汝精姓權氏其先本永嘉人高麗
太師韋之後也高祖諱旭司道寺副正 贈承政
院左承旨曾祖諱振典牲署叅奉 贈戶曹叅
判祖諱常以善行特聞同知中樞 贈議政府

第...
禮特東佑...
之賜...
也

領議政東興府院君父諱快 宣祖功臣爵至
禮曹判書封吉昌君 贈議政府領議政吉昌
府院君母貞敬夫人崔氏籍全州工曹正郎沫
之女也 皇明萬曆十四年四月四日公生自
髻齒時屹然如巨人者長則能力學不倦累選
公車不成退而自修亦不喜人之知也 仁祖
十四年以選初授繕工監役頃年公有季弟進
士公歿哀其賢而無命其哭泣之感送死之節
與夫撫教幼孤皆足以動人者嫂家有顯者初
識公於哭位心賢之嘖嘖以為古人之行也後

掌銓選首薦之有是除喜曰吾今而乃官此人
云後例陞義盈主簿遷司憲監察出為懷仁懷
仁峽中小縣公至而必先德惠務節約居二年
以政最聞會有按使來而以姻親之私例適為
東宮衛率轉翊贊司禦後以掌樂主簿又出扶
餘將之縣歿於成權驛 孝宗元年二月七日
年六十五其四月葬富平之水吞先兆之次以
宣武寧國原從 贈吏曹叅判後以子貴 贈
吏曹判書公敦厚謹飭口不言人之過平生無
疾言遽色稱厚德長者篤於孝友居父母之喪

被衰麻守墓以終三年忌日必先戒十日不食肉以及其日懷仁時仲氏年老寓居傍邑每懼省必有酒羞凡飲食衣禮之適多人之兄弟之所觀感者樂忠愛與人必推其餘以及宗族隣里之貧者謙約自守所莅尚廉平毋求名母喜交以勤已奉公自飭勵亦以教子弟如此善乎此東興公訓子孫者然也自先相公行已必正交際必慎廉退守禮事君盡節為世名臣公亦可謂能守家訓世其篤行者也貞夫人李氏世宗諸王子潭陽君璫之後而執義敬中之孫

司評幼渾之女也夫人少於公二歲恭敬克順喜愠不見事舅姑必盡懽心稱賢婦人之德長男大運貴至上卿門戶盛大夫夫人必以滿溢為戒大司諫時以論事忤時議見斥夫人怡然無閔色曰亦何愧於心汝官至此已足矣八十四子孫滿前以壽終 上之十二年六月十二日其八月祔葬同原有四男三女男大運大胤大遠大述大運卽判戶曹者也大胤龍仁縣令婿三人李后季時繼宋珩廔司諫大運再娶而生二男三女男瑋珪三婿申暘許湛李雲徵珪後娶

出也大胤生四男三女男瑗瑛瑒瑛生負瑛
承文院著作三婿李度常李寬朴始茂大述再
娶而生三女婿尹漢美二女幼後娶出也廔生
四男四女男箕錫箕叙箕封箕齡四婿尹致績
邊光載金光遠辛萬雄致績藝文待教時繼生
一男一女男東鳴壻金大任珩生一男一女男
世益壻尹興績其銘曰
善之積來譽之長天之報宜以熾而昌

贈持平權公墓碣銘

此下有脫去卷銘

公諱偉中字君彥姓權氏本福州人福州之權

父子兄弟也聖物永
嘉人勿和福州人父

功不勤聖台生也

皆祖太師幸子孫貴大稱名家大姓今八百年
大父常同中樞追封領議政東興府院君皇考
袞我 宣祖功臣封吉昌君為禮曹判書追封
領議政吉昌府院君妣貞敬夫人崔氏籍全州
正郎沫之女也公穎悟夙成好讀太史公為文
有氣力又以筆法稱二十成進士平生非其義
不為不近聲色不言貨利與人敦厚樂易見不
善則必言勉以無過人愈敬憚之或有失則私
相戒曰慎毋令權上舍知之初選國子之年光
海方閉 大妃於西宮用事者爭言當廢令新

本史公不似自有先世
且善字也

榜諸生亦上疏言之公一出應榜而已絕跡庠
舍公所與遊皆一時名譽或相徵逐飲醉為樂
公曰士處濁世修己自守善矣何用乃爾客有
飲醉過公而亂者公切責之客素善酒慙自反每
醉則不見公里中有顯者聞公行誼因同里子
求相見公謝不見其潔身自重如此公兄弟之
列年最少事諸兄忠愛克敬務盡懽心有長姊
寡居公一以事母者事之終身不衰居父母之
喪勺水不入口未葬食粥既卒哭食蔬食練而
食菜果兄弟廬於墓下哭朝夕上塚風雨不廢

三年先同樞公以至行發聞先相公忠賢篤行
著於簡冊公其至性善行賢乎蓋有自也公娶
甲氏女婦家惟一女無他子翁修義公視之如
子公亦事之如事父翁有風痺病公必親供藥
物積年月無惰色坊而葬亦必盡於禮而無憾
也嬾家乏祀亦無宗族子後繼者而公有子修
義公意欲托後於外孫公不受也雖踈遠必置
後欲無至於絕祀也公歿而不果公生於萬曆
二十六年四月三十日坊於崇禎二年六月三
十日年三十二以功臣子錄原從追爵司憲府

持平恭人高靈申氏我世祖名相叔舟之後
而修義副尉宗泗之女也有至性甚得婦道及
公之歿也悲不欲獨生以方娠忍不自決既兒
生託乳於姆將自決以母夫人故抑志順變然
既除喪猶居處服食一如居喪者六年哭之幾
喪明公歿時男大載纔十年教之如嚴父之教
子也後大載及其子階皆以文學顯女三人其
壻李壇崔東老李命麟皆國子生貞申氏少於
公三年六十七物丁未二月十七日公之墓在
富平水吞乃祔葬其銘曰

孝悌之門閭其世而信其行積仁累善早歿而
無命天道之報宜其有子孫之慶

贈右議政吉興君權公墓碣銘

永嘉權氏其先本新羅苗裔也新羅末世自太
師幸得姓為權氏大於高麗九世有樞密副使
守平其後有史館修撰僉議中贊坦領都僉
議溥僉議政丞煦代言重貴又六世有同知中
樞常以善行顯餘教在子孫稱厚德之世者也
中樞公後有吉昌君快亦宣祖世名臣吉昌
君娶全州崔氏獻納克成之孫正郎沫之女也

秋官用古法印仍
今廢者其官名
亦比古中少此
甚多可惜也官名
雖欲古亦得何不
直移今官印

恭敬篤厚以嬪德聞生七男公最長公諱信中
字君執萬曆三年四月某甲子生三十一選司
馬試共年以選為掌苑別提明年移義禁都事
仍陞太僕主簿改秋官佐郎又明年為江西縣
令後再入太僕秋官為主簿佐郎後年以漢城
判官為昌平縣令五年陞金堤郡守三年吉昌
君卒二年貞敬夫人卒既卒喪為礪山郡守尋
移丹陽瓜滿為掌隸司評一年以秋官正郎為
豐德郡守適有修齊陵之事賞其勞陞通政
以疾謝歸三年而歿崇禎六年六月三十日享

年五十九葬水吞族葬南向之原以子貴 贈
左贊成襲封吉興君後以宣武原從加 贈右
議政公哲而頎正色寬言嚴重有威儀其事父
母處昆弟居喪之節友愛之篤雖其家訓世德
亦天性然也有季弟死而卜葬不吉公之長男
吉城君嘗為公卜壽藏於族葬之地公曰安有
為未死者有兄弟死而無葬者也遂以葬人賢
之公以長德巨人終不大用而屈於郡邑為官
不稱德人多惜之所莅以廉謹稱而有惠政碑
贈貞敬夫人李氏 世宗別子廣平大君璵之

何石昌年有品先公
二十四年云老重在後
一先後也八月廿七日
老重在死三月廿七日
亦彼怨甚相悖也

七世孫而司評廷弼之女有婦德與公同年生
三十七歿先公二十四年八月廿七日初葬于
通津中樞公墓側葬公之明年正月改葬于公
墓之左生三男一女男大任大鳴大式大任尚
貞善翁主為吉城尉仍襲封為吉城君壻朴尚
彬大任生瑱敦寧奉事大鳴生瑀大式生玳壻
李燁朴尚彬無子有所後子曰希仁瑱生以經
守經壻二人承旨吳始壽生負洪萬朝瑀生致
經玳生順經又一男三女幼吳始壽生尚游壻
李景鴻又一男一女幼洪萬朝二男一女幼其

銘曰

孝友不怠仁也嚴恪克惠賢也嗚呼壽不稱其
仁官不稱其賢

吉城君權公墓碣銘

公諱大任字弘輔姓權氏其先永嘉人永嘉之
權自太師幸得姓來八百年世多達官貴人號
為大族曾大父常以善行特聞爵至同中樞後
贈領議政東興府院君大父挾以功業貴為名
臣官至禮曹判書封吉昌君 贈領議政吉昌
府院君父信中連守郡邑 贈左贊成襲封吉

已言同集卷之八

自吉興至李表八字
廷行
兩字似性通文勢
尚特

興君後加 贈右議政母李氏 贈貞敬夫人
世宗別子廣平大君璵之七世孫而司評廷弼
之女也萬曆二十三年十一月廿四日公生生
而秀而嫩聰敏善學甫十年才藝夙成尚貞善
翁主為吉城尉 上寵愛之殊甚公尤長於筆
法 上稱善不已賞賜無數累進階至通憲
純孝大王二年李适叛 上狩公山公從 上
陞奉憲十三年封吉城君吉興君卒而既卒喪
以元功嫡孫襲封者也明年冬清人入京城又
從 上於南漢進崇德再為都摠管後三年奉

使瀋陽時國家新去亂悉捐橐中裝贖還旄倪
之未返者人心德之二十三年十月廿六日公
卒春秋五十一公在疾 上特以儀賓尊屬醫
藥屬路計聞 上為之罷朝巷吉賜吊賻如儀
命有司庇葬事禮也以宣武原從追加綏祿大
夫為正一品公仁親篤厚善於父母昆弟以及
宗族父母既歿有二弟一妹公均其臧獲必擇
其善饒而厚給之猶恐其不如父母之視之也
其一弟年最少公甚愛育之其衣食服養一視
已而無缺性恬靜儉約自處如儒士善與人忠

愛好文雅一時薦紳文學多慕與之遊者平生
不為奢縱逸樂雅飭惟謹士大夫愈賢之國制
主家有賜奴賜田而公不肯准受曰吾受恩已
厚復以此煩有司不知足也主 昭敬大王女
而靜嬪閔氏出也嬪 康靖大王壻驪川尉子
芳之孫江華都護府使士俊之女也嬪賢而好
禮節主敬謹飭克順婦德蓋素所教訓然也
主生於萬曆二十二年四月一日卒於四十二
年八月一日主長於公一年春秋二十一葬於
富平之水吞至是乃合葬焉有一男曰瑱敦寧

奉事瑱生一男二女男以經守經壻二人承旨
吳始壽生負洪萬朝以經生四男一女皆幼吳
始壽生二男二女長男尚游壻一人李景鴻餘
幼洪萬朝生二男一女皆幼又有庶出子二人
琳璉銘曰

尊而能讓貴而能下仁愛篤善戒慎不惰中樞
三世吉昌之孫賢善有自忠孝之門

贈吏曹參判權公墓誌銘

上有昭敬大王碑銘

公諱偉中字君彥姓權氏本永嘉人永嘉之權
實祖大師韋事在麗史高祖諱旭司導副正

五字上常有公字
不其別也混清也

中托去昌二句恰是
詩人只此

為六字當置右史
公上不然則為好者
指何事也此亦殊異乎類多甚可惜也

贈承政院左承旨曾祖諱振典牲參奉 贈戶
曹參判祖諱常同知中樞 贈領議政東興府
院君父諱恢禮曹判書吉昌君 贈領議政吉
昌府院君母貞敬夫人全州崔氏工曹正郎洙
之女萬曆二十六年四月三十日公生自中樞
公以至行著顯而吉昌君當世大亂能以一言
勸 天子威靈大發兵以抹亂謂之忠孝之世
而公仁孝嗜善峻正口不言聲色貨利不見遽
喜遽怒與人無戲狎使為善者慕之不善者恥
之篤好太史公為文尚氣格不專為舉業程式

又善楷書二十選司馬試時光海閉 太后於
西宮佞臣主廢母后之議以逢之令新榜諸生
亦上疏言之有非議者一一中之公一出應榜
而已絕跡庠舍一時恥之者多無意於世或飲
醉放跡以相尚公曰士處濁世韜晦自守善矣
何用乃爾自修益力婦黨有顯者前時廢不用
與公相友善中興後其人始貴用公絕不與交
驩來往其人素知公介潔愈益賢之里中權貴
人聞公行誼因同里子求相見公謝不見嘗寓
居蓮城築小堂日閉門讀書鄉鄰敬憚者每戒

飭過愆曰毋令權上舍知之居父母之喪守墓
三年初喪食粥既葬蔬食水飲練而食菜果處
兄弟忠愛無間有長姊早寡無所依事之如事
母終其身不衰篤行如此崇禎二年六月三十
日公歿年三十二其八月葬富平之水吞以功
臣子錄原從追爵司憲府持平後男大載官至
亞卿推恩贈嘉善大夫吏曹叅判兼同知義
禁府事五衛都摠府副摠管配高靈申氏 贈
貞夫人 世祖名相叔舟之八世孫修義副尉
宗泗之女而郡守金德謹之外孫也修義公墓

公之賢既以女妻之甚重愛之公亦敬事之殊
盡心焉修義公惟一女無他子而亦無宗族子
後繼者意欲托於女家公曰然則嗣絕矣雖
踈遠必真後令無至於絕世也修義公歿而公
又歿事不果夫人賢有令儀能盡婦之道甚得
舅姑懽心及公之喪也誓必下從以方娠忍不
卽決既兒生托乳於姆以必死自分勺水不入
口母金夫人泣而言之少順變然為之六年不
除衰哭之幾喪明公歿時男大載始十年二女
皆幼而一女在娠而生者也夫人教育有方大

載能讀書立行以文學進方為大司憲三壻李
壇 健元陵叅奉崖東老戶曹佐郎李命麟濟
用監奉事內外孫男女十餘人長孫璿又登第
為大司諫次璿生負大載嘗為公山夫人常以
愛民慎刑戒之聞者謂之賢母云夫人少於公
三歲生於萬曆辛丑正月二十七日歿於丁未
二月十七日壽六十七同年四月葬與公同塋
而異墓銘曰

惟孝友敦且純不發於其身以裕其後人

丹崖李叅判碑銘

此第海峯事
法有相史凡

公諱敬中字公直別號丹崖姓李氏我 世宗
諸王子桂陽君璿之四世孫也三世祖江陽君
滿為世父潭陽君璿之後而生喜安君輯喜安
君生錦川君璿於公為皇考妣瑞城金氏監察
允章之女也錦川君長男誠中官最貴追封二
世爵位錦川君力學為行一以古人為法與處
士李仲虎張倫為布衣交稱賢公子 肅皇帝
嘉靖二十一年五月庚申公生端重好經術少
孤事母有至性我 昭敬元年陞太學三年登
明經及第選槐院以博士兼太常又特選入玉

堂時柳希春為副提學李珥為直提學吳健為
典翰金宇顥為修撰洪迪為著作公為正字一
時為之語曰玉堂賢人聚明年乙亥 懿聖大
妃之葬玉堂請從百官哭於宮庭葬有望哭之
禮自此始也時有奴殺主者無罪大司諫許驥
論委官朴淳按獄失當憲府亦論之正言趙瑗
以為輕論大臣兩司皆引避大司憲金繼輝曰
驥死人族黨其所言不公副提學珥欲右瑗而
適兩司公曰不可治獄之體當如此以為私其
所親非所言也珥從之然東西朋黨之事起朝

廷大垂丙子以博士陞修撰丁丑轉校理時

恭懿大妃薨大臣定行期年之制玉堂論以繼
體之重請行三年 上從之戊寅為司諫院正

言論削李樛官爵有珍島郡守李銖者賂米三

尹

尹斗壽尹根壽尹現

事發覺憲府論之三尹罷拷問銖

辭引者皆服獨市人主藏者終不言大司諫澈
以為銖事無實其主藏者得釋三尹叙用公啓
上曰賂者受刑而安有受賂者晏然也於是黨
議益激大司諫珥上疏言鄭澈金繼輝韓修事
以為東人攻擊太甚請保合士類云公曰叔獻

之疏不出於乙亥而出於今日乙亥之人獨不
太甚乎然每以矯激為憂庚辰由禮曹佐郎移
吏曹兼記事官辛巳鄭汝立以多學拔擢公曰
此人顯用他日必為士林蓋時議反以為忌疾
公適吏曹李潑令其弟洁往視之還曰見公直
兄弟伯無愠色季愠有語公直喜怒不可見也
其八月太夫人歿公居喪毀感既三年因羸瘁
病除副校理移掌令皆不就甲申為校理陸應
教俄改執義前年以爭論見斥者盧守慎柳成
龍金誠一李元翼金宇顥金孝元姜緒等或指

為鬼域或為凶邪或竄或貶或罷者四十三人
許筠竄甲山宋應統竄會寧大司憲澈論加罪
之事公曰此人者皆善類又何罪之復加也澈
計沮又以北道觀察使權克禮私善於罪人託
言厚私行貶黜郡邑欲論之公又不可澈頗不
快於公公退而歎曰我不慣與小人乘遂辭不
出澈竟論之上怒權克禮適觀察使時公已
病力出公為慶尚推刷御史推刷事急民多怨
前任者既得罪多以計避之者公受命即行曰
事嚴不可以言病出嶺南歿於密陽八月十四

日年四十三其年某月歸葬坡平柳文忠公哭之曰昭昭者心莫能昧之惓惓者忠莫或偷之閭閻者正莫敢撓之公平生無戲狎介潔官位已顯妻子常苦貧論議正直當路者雖主私意亦莫之敢肆已也方朋黨相攻擊公常慨然私歎心憂之後六年有已丑事作鄭汝立既敗死上從容問廷臣有先見者誰也柳文忠公對曰臣有友李敬中嘗言其不可用反被排擯致軻而死上曰排擯者誰也對曰臣忘之在史官上問史官掌令鄭仁弘持平朴光玉也命削奪

鄭汝立鄭澈鄭仁弘

二人官爵公特贈吏曹叅判公有素不與三鄭之誚不容於時議也當時仄目有三鄭之目貞夫人趙氏籍白川忠清道兵馬虞候彥忠之女也有至行自公之歿三年哭一如初喪不理髮殆六年及已丑事後當追爵賜祭夫人迺始沐髮齋戒云教二子必有義方二子能修行立名皆夫人之教也夫人少於公三歲至顯皇帝萬曆三十六年十二月二十二日夫人歿為六十四柩葬同原男幼渾淳昌郡守幼渾義禁府都事壻朴耆俊黃州判官幼渾再娶而生三

男四女命徵命後命衡壻權謹中柳長亨尹鉉
謹中司禦命徵女一人適權氏者前母出也幼
淳生五男一女男命勗命弼命哲命式命燮壻
鄭濬命弼丁丑江都之敗其妻盧氏其一子一
女皆死旌表其閭命哲我 仁祖十七年生負
賢而早歿命式其十一年壯元進士嘗為內膳
寺直長內外三世子孫五十餘方顯者權謹中
長男左議政大運其壻司諫李屋也其銘曰
確而貞一代之名和而直一代之於式

大司憲完原君李公墓誌銘

完原君李公諱曷字志曷我 太宗長王子讓
寧大君禔之七世孫也高祖鎮安副正永男曾
祖義盈庫奉事希年祖 贈完陵君世良為後
於從祖父保安副正壽男子僉知中樞希孫父
刑曹叅議深 贈至左叅贊完寧君母尹氏
宣祖功臣 贈領議政自新之女也公嗜文學
仁祖五年選博士弟子明年對策擢為壯元以
秋官郎兼記事官八年以禮儀佐郎移正言尋
改持平九年以直講選知製 教後年復為持
平因災異 上放釋仁城君諸子諫院論執不

已大司諫鄭蘊以爭論并請罪公極言君子小人之分以為以蘊之直諫豈復不容於朝也遂忤時議適持平十四年拜修撰時方遣使藩中約和公與諸學士極言奴不可和其冬奴大入寇有南漢之敗後年以母憂去既三年以校理改獻納爭論柳碩事適獻納碩嘗論劾金尚憲久為時論所指斥今所論非所論以故公不從三年又有父憂服闋復為校理俄改掌令上累千言極言政弊上稱善擢拜同副承旨上疏辭之上曰所言正直特擢用以勸禮義尋陞

右副承旨一年出為黃海道觀察使海西大饑請發刻都管餉陳穀以賑之戶曹不可促令沿海諸郡輸糶京師其陳腐甚者責之列邑公更條陳不便十事皆不聽公更以便宜驛聞罷牛峯江陰二縣置金川郡繕治諸城給諸驛廩田設鋪諸站官給本取贏以使用如此事八條朝家多不從明年陞嘉善封完原君二十五年以都承旨出為關西觀察使時鄭命壽來而恣所欲慢辱大官多無狀公持正不撓彼亦心畏難多慚愧有沮色二十六年以大司諫拜禮曹參

判復出為嶺南觀察使上積弊偽結無名之稅
萬數悉罷之架山城大而兵少移傍郡縣東伍
專屬焉孝宗即位之冬入為兵曹參判以特
進具陳嶺南防邊城守便宜仍言用人不可徒
取名譽必循名責實詞嚴義正上亦傾心聽
之。上所罷用多以名進者爭羣聚罵詈之以
為如此人者不且置近列俄拜大司憲遠為都
承旨國家既嘗修城池鍊戎卒此皆丁丑約
條所禁恐清人覺之適有漂漢船舶我押送于
清具奏本以我南邊倭指言倭搆讐我邊以為

我修城鍊卒張本仍以館倭奉行倭生讐我者
數事為若我邊守報監司監司報相府者然攝
政反疑我挾倭恐喝明年遣使者責問既查問
漂漢事次問公公對之一如奏本加詳悉復問
漂漢事公曰此統制使啓聞而前使者歸既
押送邊方事重具告於上國也於是在列皆稱
善曰當其所不為辨說尤詳大臣稱謝不已讒
毀者以為所對專咎朝廷為忘君負國初配洪
陽遷清北之寧邊夏旱審理冤枉大臣為言公
無罪且曰選用才能如某難得請疏釋後我使

者至燕使巴將責問如某以何罪責罰後年北使來勅曰聽奸臣言問結大誤復其原爵公既釋出特拜海西觀察使連上疏辭之秋為江都留守上送之曰卿初非失對遷謫非罪也上既委任以保障之重公寬民力鍊戎卒務積儲治閩艦請輸東萊兩西銅鐵大鑄兵械五年移湖南觀察使巡行海邊圖上古羣山地利仍言便宜方略未上上方倚重武人怒鄉校生丁哲以牲幣輕犯營將公以祀事重論以輕法上愈怒奪削公官爵八年為關西節度使明年

為觀察使行五家統定子母法以歲飢請貸沿邊粟以予民未幾以讒罷上之元年有湖西之命歲大飢至明年春請蠲今年田租一萬移江都萬餘粟安興粟二千給種食以利農夏無麥散積儲萬餘布大貿麥以賑之公博物多通尤善於方土綜繕之宜為政以務農為本三年為戶曹叅判後年奉使如燕還為右尹上疏乞免以燕行時有潛商事遣使者查問公罷歸田里五年七月廿二日公卒年六十其九月葬大興縣北鵲洞南向之原公少以才藝發聞二十

四以甲科顯方朋儻成風國事日非公喟然歎
之曰我宗戚之臣義不可去寧奉身自守善也
立朝四十年或仕或不仕以居閒置散為適已
也或當事則必曰食焉而怠其事非事君之義
也思竭力以報上然讒妬間之至於流離顛沛
者多而其志益堅蓋考其平生可謂善謀而善
成臨大難而不動者也夫人柳氏籍文化僉知
中樞希成之女公事父母能盡子職夫人善事
舅姑一以公之事父母者事之於宗族姻婭亦
各盡懽心後公八年歿為六十八合葬之墓在

公舊葬之西已向之原子一人增江原都事塔
二人監役宋光淹叅判閔宗道銘曰
才能之斥讒妬成羣枉之興公正傾賢邪易施
世沾危又何疑

贈判書鄭公墓碑銘

公姓鄭氏諱之虎字子皮別自號霧隱系出東
萊自高麗左僕射穆左贊善大夫澤至 本朝
直提學賜翼惠公蘭宗皆貴顯一時為大族翼
惠公於公為六世曾祖純福社稷令 贈吏曹
叅判祖象信永庫別提 贈領議政以長男期

遠丁酉南原之敗為明將楊元儼相城陷死之
有此封 贈父凝遠國子進士以才行發聞不
幸早世母南陽洪氏咸興府判官堯佐之女公
十一父歿十八母歿幼孤弱能苦心力學讀書
修行 仁祖十三年公三十一補國子進士明
年初筮仕為東宮洗馬其年有南漢之事 上
既還京試取文武士以賞從 上勞公以丙科
直拜成均典籍累轉為正言論元帥自點負國
之罪自點威權甚盛人人仄目畏忌多為公危
之又忤於時宰以太廟令為黃州判官才數月

羅又論以棄官編配黃州後為大同察訪以善
績聞除龍岡縣令大同龍岡皆有治績碑二十
一年以騎省正郎移開城經歷二年改成均司
藝出嶺南審覈災田既復命為襄陽以司藝久
任還司藝仍陞司成一年為海州未一年罷二
十七年為禮賓寺正明年出羅州五年以治行
高第 上嘉之再賜表裏一賜厩馬既歸百姓
追思不已立遺愛碑九年以左通禮特拜驪州
一年歸以賀至如燕還為原州是 顯宗二年
而公五十七尋罷明年為定州二年而罷居西

言言集卷之十八
樞數年十年為蔚山 孝宗知公治行異等既
特有驪州之命而用事者沮之未甚顯用而至
上之元年為戶工曹參議入政院至左承旨未
幾 特拜都承旨尋陞嘉善拜大司諫公論邦
禮既正此國之大事禮當告廟首相積不可朝
議承積沮抑不果告公又上疏條陳時弊其大
者罷屯田嚴科法慎簡選禁奢侈省浮費也為
禮曹參判又上疏極言諸衙門治兵營作殖貨
之弊辭刑曹參判疏又論政弊言及大臣 上
怒以為指斥大臣罷積素善公白 上以為誤

聽人言解 上怒即復叙為大司諫言事益切
上寵答之常侍左右 上之三年公七十四卒
大臣白 上追爵吏曹判書葬坡州治南廣灘
之西公恬靜介潔當朋黨之際不肯循俗苟容
在言責不避權貴用事者多不悅不容於朝者
幾二十年操守益堅不以通塞變其心謙退自
守與人樂易喜觀書吟哦自娛對人未嘗言貧
淡如也自 上初即位擢至顯仕以數直諫
上賢之未盡貴用而公卒特追爵至九卿銘曰
公恬靜不亘於俗與世憲合然恬靜故潔恬靜

故直恬靜故貴恬靜故壽

貞夫人朴氏籍咸陽有婦德仁愛及於親戚一門稱其賢典牲署奉事敏之女夫人年六十三公六十二罷定州之三年夫人卒葬龍仁有三男五女男行一行百行萬行一仕止陽智縣監公七十二春官亞卿時死行百及公之末年始入仕為 健元陵叅奉五堦洪景墳尹徵夏吳始鼎李保胤李浚徵夏懷德縣監浚進士又有庶出子行十又一女幼內外子孫三世六十二人

同敦寧韓公墓銘

公諱善一字克敬姓韓氏其先上黨人上黨之韓皆祖太尉蘭子孫昌大高麗時有文惠公康高陽伯謝奇思肅公渥政堂文學公義文敬公脩八 本朝有領議政尚敬觀察使惠西平君繼禧及公之世伯叔父皆貴大自得姓來顯者十二世號為甲族曾大父文川郡守諱大父鏡城府判官諱孝胤以子孫貴皆 贈領議政判官公賢而不達有三子皆賢人皆曰韓氏復起長男百謙以儒學擢拜侍郎少男浚謙亦

宣祖名臣重於時及中興世以王后父家既
盛大而退讓一不以滿盈自居先府君於兄弟
之次為仲諱重謙早有名譽二十五選國子兩
試其年歿母忠義衛李台壽之女太宗王子
孝寧大君補之後也公萬曆二十九年補國子
上舍後再選庭試叔父領敦寧掌試士力主
下第出謂曰決科非難吾特遠嫌耳亦命也公
始仕宣祖世為禧陵濬源殿社稷署叅奉
義禁府都事司僕寺司饗院主簿刑曹工曹佐
郎軍器寺司僕寺僉正內乘為邑唐津文化金

化軍威韓山朔寧沃川鐵原仁川四縣三郡二
府沃川時陞通政為僉知中樞敦寧府都正
孝宗三年以大年進嘉善為同知敦寧先府君
例贈吏曹公判母李氏為貞夫人上以公
於太妃為從祖昆姊妹待之以尊屬之禮大
年爵肅謝曰上特引見於便殿命小宦出入
扶之寵賜之甚厚恩禮如此光海初立作宣惠
法以寬民李文忠公元翼以公為郎曰此人雅
士責以吏事非其任也後連為郡邑見光海政
亂即謝去不出仁祖既反正乃復仕孝宗

四年四月以同知敦寧卒公生於萬曆元年
卒之年八十一其六月葬于驪州高達鄉申坐
寅向之原後二十九年改葬左麓酉坐卯向之
原公少孤事母李氏恭敬忠養七十四年而歿
哭泣衣衰居喪之節不以老故少懈有一姊一
弟皆早歿拊育諸孤一視已出仁於九族尤盡
心於貧無依者自一門之內以至鄉黨交友莫
不曰賢公平生重禮俗樂觀書無他嗜好恬靜
寡欲以至壽考前夫人龍仁李氏縣監哲容之
女觀察使湛之孫也早卒墓在德山紙谷李氏

族葬男翼明官至郡守後夫人平壤趙氏經歷
珖之女 太祖功臣文忠公浚之後也無子後
公十五年丁未八十七卒合葬于高達翼明三
男鼎相清道郡守斗相漢城府判官柱相義禁
府都事壻三人儒生鄭以和生負任堂府使吳
始益鼎相三男宗建宗運宗迪宗建司饗院奉
事壻二人生負 玉鼎臣儒生洪萬通斗相五男
宗老宗大宗揆宗彥宗秀壻持平吳始萬柱相
二男宗岱壻儒生朴慶裕女一人未嫁 國舅
家之祀以公之次孫斗相傳其祀領敦寧貴而

庚午 國舅 宗岱 領敦寧 貴而

好禮公之世亦世其賢祭祀不絕也可謂以德
大以德終以德繼者也銘曰
惟大惟終惟繼惟三德之世

權師傳墓碣銘

公諱蹟字聖由姓權氏本永嘉人高麗太師幸
之後而本朝名儒文忠公近之十世孫吉川君
盼之孫正字微之子李文簡公晬光之外孫也
公天姿雅潔操守方正學必以古人為法言一
時名譽公為之首崇禎三年進士時年二十後
五年有慶增廣取士四方士多聚於太學於是

成渾李珥兩儒者從祀文廟之議起時論欲令
太學上疏請之公不從退而與蔡振後等諸生
五十餘人上疏言二人疵累時公卿在位者多
二人門徒弟子忤時議振後以首疏削名太學
公曰論事則均也不可一人專罰遂不復入太
學也四館爭執是非二疏儒生禁不得赴舉者
至數十人爭論大起有大臣啓上令四館調
停之於是諸被禁者皆得解而蔡振後權貴中
朴穰三人目為邪論之首而終不解公復率諸
生上疏言不可赴舉意仍陳二人不可從祀狀

疏入政院不上戊子以行誼為大君師傅不就
用事者怒其通籍然上既不直當時事恐
上意故掩前事謬其說而詆劾之殊甚公既見
嫉於黨人又見世道益亂自守益堅沉潛經術
勤於儀則百禮必躬行孝悌以篤人倫左致謹
於奉先居家之節行益修而名益賢四十二歿
疾病考定深衣制度遺命以禮殮葬先人之次
有族弟跋早孤無所依公視之如親弟與之同
居數十年公既歿跋哭之如喪兄以深衣殮三
日而殯三月而葬於仁川之沙峴其生當萬曆

三十九年九月十八日其歿當我孝宗三年
九月廿九日其葬同年十一月六日初吉川
君有長兄駿亡而乏祀命次子佐郎倜為後又
無子以公為後公娶佐郎朴慶燁女生二女一
男其二壻縣監鄭洙賢進士睦昌朝鄭洙賢二
壻儒生鄭珖生員李正觀男漢柱次幼男歆公
歿時才九歲三十二擢監試第一名三十五登
大科為弘文副校理生三女一男長女壻儒生
金益慶餘幼後二十九年四月朔日庚申改葬于
陽城德山里已向之原銘曰

其守直而嚴其行潔而廉其命危而湮吁嗟若人

李進士墓銘

公諱積字大畜姓李氏本韓城人韓城之李自文孝公穀文靖公穡良景公性善文烈公季甸明憲公坡軒冕相傳凡五世號為大族明憲公二世至觀察使清又三世至僉正 贈左承旨廷稷於公為皇考母全州李氏我 宣祖名臣文忠公元翼之女也公生有義質及成人端重有志槩介潔以廉隅自飭礪公元弟二人長故

承文院著作稿早有名譽將期其大顯不幸短命公潔身修行重於儕輩 仁祖五年選成均進士又以蔭例授務功郎前年虜既與我約成功臣等主盟於内外文忠公以年老乞骸骨上不許尊禮益厚嘗燕居諸子皆侍有從子仁傳曰方今禮貌未衰時事日難人心不保以此時求去恐不可乎公在傍曰外難已解四方小安人皆曰相國當去以今日之事必俟太平而去則當何時而去也其勇決如此相國欣然笑之曰後生可畏丁卯二月自著作亡後先府

君悲思積疾五年歿公居喪毀瘠卒至於滅性
人皆惜之公生於萬曆卅四年六月丁未日歿
於崇禎五年七月九日年二十七葬揚根郡葛
山公初娶洗馬朴日章女死後娶庶尹姜弘績
女皆無子以大夫人命取亡兄子延年為後大
夫人嚴而有禮稱賢母公既歿之十九年延年
登第方為兵曹叅知銘曰
嗟乎才識信於人而可冀其有為也天則卒天
其身天之茫茫其有神耶其無神耶

禮曹判書韓公墓碣銘

公諱汝漫字仲安姓韓氏韓氏大於高麗自始
祖太尉蘭其世多名公貴人號為甲族前古有
文敬公脩文烈公尚質文烈公八世至清川君
準於公為皇考以 宣祖功臣爵至列卿母全
州崔氏中樞府都事貞秀之女萬曆三年二月
十二日公生公兄弟八人公最貴三十二年補
成均生員初授 裕陵叅奉後六年以明經登
甲科官顯矣及光海政亂連補外載寧時以癸
丑治獄掌奏例陞通政尋棄官歸其六月海州
獄起公亦連累逮繫雖得釋坐廢者幾十年時

柳希亮以王后弟方貴用而交結良善與公同年生且同里閑深相善患羣小顛制主暗不能去欲交驩用事者因遂引用才望以問公公曰徒無益乃止及仁祖反正起公為同副承旨時盡罷光海諸爵賞公例降資遣政院上特復任之轉左副承旨明年李适作亂公為京畿觀察使賊平陞嘉義戊辰以禮曹叅判為同義禁時有柳孝立事以治獄陞正二品其年崇禎皇帝嗣位公從列卿如京師賀登極丙子以左叅贊從上南漢移大司憲上既還都以

扈從進崇故明年以行禮曹判書卒崇禎十一年九月十四日享年六十四上罷朝二日其十月以禮葬仁川桂谷公立朝三十年歷官在光海時其顯者春坊說書文學兩司正言持平兵曹佐郎禮曹正郎補外綾城載寧皆有遺愛及事仁祖卒大顯政院至左承旨禮曹叅判出外公州牧使京畿觀察使復入為刑禮工三曹判書行大司憲政府四宰三宰典禁兵至都摠管王府至判義禁卒後以寧社原從追贈右議政公平生不屑屑於細故風流篤厚於交

友忠而當事恥以利害易其心好讀書筆法豪
宕別號十洲臨歿謂子弟曰吾以無能爵至通
顯又死而侈其禮可乎葬祭必儉約母立碑墓
道令歸化者媿其心貞敬夫人具氏正郎坤源
之女生二女一男長女適士人沈靖早歿無子
次適司評尹垌丁丑江都敗家亡守節死之男
摠亦早歿摠子五奎亦三十一死外孫男女二
人男前義禁都事尹世章壻湖南觀察使趙龜
錫五奎男塾女適士人李世茂公又有庶出子
摠銘曰

虛義溢譽君子不居儉而無侈君子所誇

上黨韓君墓表

韓五奎字文瑞其先本上黨人曾祖左叅贊清
川君準祖禮曹判書汝潏父摠早世母密陽卞
氏刑曹叅判三近之女也君生十三父歿十五
時國有大亂祖母具夫人母卞氏皆沒於江都
之敗君僅得脫而後年判書公又卒君自未成
童至弱冠持衰者七年能喪祭有禮既孤苦外
祖父母皆老事之必有至誠性廉介有志好施
予善與人忠信持身簡潔心慕古人事必以古

人訓戒自飭礪所與遊皆一時名譽稱善士不幸無命三十一死塾生七歲將死托其孤幼者韓五相鄭東稷二人東稷為之服總之經帶終始經紀其家五相為再從兄弟而君死之未久其父母皆亡未沒喪而死君娶漢城判官趙國俊之女長於君一年君死之前年歿折亦稱婦人媿德合葬于仁川挂谷韓氏族葬有一女一男婿士人李世茂塾少而能讀書謹行前年補國子生負生一男方未長嗚呼君以好德而短折固知天定在後世惟日勉焉而不懈德善之

報不替歷識已化者行譽為爾子孫之以勸以戒

李著作墓銘

公諱稿字大有姓李氏其先本韓山人先正文靖公穡之後而觀察使清之四世孫也大王父諱公潞忠佐衛司果王父諱弘濟龍驤衛部將贈左叅贊考諱廷稷掌樂院僉正 贈左承旨母淑夫人李氏故中興相文忠公元翼之女也萬曆二十八年七月壬寅公生生六歲始學書卓然早成善草隸儀觀動人睦公長欽嘗試士

於多士中拔識公以女妻之年十四十六陞上舍仁祖元年鄭公曄掌教國子四方才學之士多聚於京師而皆推公為巨擘甲子登 謁聖內科及第初選承文院當薦入翰苑以文忠公方為首相諸公嫌不敢擬薦累權攝政院注書時 上克大難與虜絕和親日令文武大臣各言防邊策長技兵食院塞要害出入商確每至日昃公長於記述長短畢舉稱良史才數年間由權知正字例陞至著作丁卯之亂 上出幸江都公方病先大夫守臨端昇疾至臨端其

二月二十六日歿於漣上享年二十八公嘗語人曰吾夢出江干前有旌書曰承文著作李公之柩吾官不顯終著作命也至此其言驗矣公仁厚有雅量篤於孝友嗜義若不及嗟乎將顯矣不幸早歿有三男一女長男喜年己卯進士歷職省郎累轉州郡今為原州牧使初娶持平金柱宇女生二女長適士人李允協生一男七女次適士人權聖中後娶士人成時弼女生五男二女曰景鴻娶判書吳始壽女曰尚鴻娶縣監朴尚郁女曰永鴻娶承旨禹昌績女餘幼次

延年乙酉進士庚寅文科官禮曹叅判娶觀察
使閔光勳女生一女適縣監韓後相生三男四
女次玄年今為殷栗縣監娶觀察使李如璜女
生二男三女曰世鴻娶察訪羅斗三女曰儀鴻
女適進士尹趾慶生二男一女次適士人沈得
泰生一男餘幼壻李泰徵亦名家子子孫將昌
大矣銘曰

蒼蒼者有定漠漠者有神賢而不食其報以裕
其後人

記言別集卷之十八終

記言別集卷之十九

丘墓文

贈判書許公碑銘

公諱完字子固姓許氏本孔巖人孔巖之許自
始祖世有名公鉅人冠冕相傳至公之世七百
年號為大姓三世祖幹 贈吏曹叅判大父昉
父芑皆 贈戶曹叅判母貞夫人京山李氏隆
慶三年我 宣祖二年公生生而卓異其戲嬉
亦不與凡兒比比長從堂叔父岳麓公學聰睿
善記誦長於筆法然好才略不屑屑為章句之

學與一時名武人柳斐成佑吉爭射御皆曰能
二十五擢武科戍南邊水軍統制李舜臣一見
竒之待之異於列士許以為將帥才戍還授宣
傳官以才望選備局郎柳相國成龍條上築城
便宜凡累千言公應口輒書無所難相國後見
之私第授東國地圖勉之曰為將者知地利阨
塞則屯守制勝在此薦於上以不次除南平
縣監四年以母憂去既卒喪復為備局郎累遷
都摠府都事經歷甲辰為端川郡守時虜數寇
邊殺我邊將上命北道節度使出兵擊之公

與虞候佑吉素善為前鋒既深入後軍為虜所
圍急還救之攻破賊得全師以還上特賜弓
劔甲冑陞折衝將軍移茂山鎮僉節制使以拒
虜三年入為訓鍊中軍癸丑為湖西水軍節度
使軍士思之不已軍部啓上還拜中軍甲寅
為湖南水軍節度使當光海政亂不樂居散地
者九年仁祖既反正以公得士卒心召拜中
軍尋以水軍節度使復出湖南一年忤權貴入
罷丁卯虜大入寇薄畿甸上出幸江都復以
公為中軍一軍皆喜得將至刻石頌之寇退賞

羣臣從 上勞公進嘉善大夫為嶺南右節度使兼晉州牧己巳移會寧都護府使虜每與我互市易貨解弛無心禁制公嚴約束作外門禁虜令騎者毋得入門虜憚之皆下馬不敢慢公嘗出獵暮還虜方據館府兵僅數百公令軍士從東門入易服出西門復入東門循環以示虜虜驚曰府兵何多也畏憚之殊甚又以治理賜表裏三年陞南道節度使或以為前時當廢母后召文武百官問之某與負罪者一辭得罪長子崱上疏訟之發王府諸上議然後事得解復

出將湖西水兵丙子改嶺南左節度使冬虜大舉東創京城不守急 上出幸南漢南漢受圍四十餘日公率步卒萬餘勤王誓死泣下以激士卒心士卒皆思死力至雙嶺距南漢二十里公約與右營朝日飯士卒進至南漢下按部從事都敬俞者妄自用素失將士心督諸軍朝未明而進兵伐賊公曰士卒遠來天寒凍飢迫之與鬪必無幸矣敬俞不聽先斬右營軍官以劫衆公曰天也大事去矣遂發兵虜伏兵大起兩營兵皆敗沒公與賊搏戰士皆殊死戰麾下壯

言身集卷之十九
三
士皆死賊既乘勝公拔佩刀自刎死之丁丑正月三日也敗報聞城中將士皆出涕曰雖不破賊能殺身循國忠臣義也 上命追爵資憲大夫兵曹判書兼知義禁府事遣禮官 賜祭錄用其子孫敬俞械繫治之既得釋仇殺之公在軍中遣蒼頭與二子書言決死意不言家事二子入賊中收公屍以成禮旅葬忠州三年改葬清州之青川松面公性雅謹待士大夫有禮治軍旅一不以卑賤而蔑之親近而私之以此得士卒心官位已貴常在藩鎮未嘗營立尺寸曰

受國大恩當以死報 殿下何可捐廉恥為子孫計也居家大夫人已八十有二兄二妹一懽愛克順視諸子猶子宗族歸心教子弟讀書為學禁止奢華自處如儒士恥不義如恥汗辱雖親戚必絕避形勢如避機穽雖素所交友必謹癸亥中興之後功臣貴人皆公舊遊必折節下之其雅重之如此貞夫人趙氏籍平壤我 太祖功臣平壤府院君浚之後也夫人莊敬慈惠篤於親戚仁及妾媵平生恤人之急不計有無至性如此常恨當亂離父母歿而葬不得盡於

禮也終身不御華美日誦古人嘉言善行以教子孫如奉先居家之節皆可為子孫法九十二卒辛丑正月十八日其三月祔葬青川二子崿崿生負有文行亂後不復應舉因落南不幸早世崿縣監文四人壻都事魚夢濂奉事柳仁培士人元玘縣監南斗夏崿生墳塋墩皆進士女一人壻縣監李敏思崿無子以兄子澄為後有一女壻進士權德任內外子孫三世三十餘人銘曰

明慎師律推誠愛士士卒思死仁也潼關之報

率勵壯氣破虜全師勇也昏王泯亂穢濁盈塗介累不污廉也逢時不利誓不辱名自殺以明決也

姜山陰墓銘

公初諱遠後改連字汝達別號光齋姓姜氏本晉陽人高麗相著七世孫也父應伯大父彥弼母咸安李氏壬辰之亂以節婦旌表其間事在三綱行實公嗜古人之學從先生長者遊篤學修行能樂善於人而嫉惡於己令聞不已萬曆四十六年選博士弟子當光海政亂恥之潔身

不出 仁祖既反正鄉里相賀公獨愀然不樂
相國李文忠公聞之歎曰不亦善乎誠君子之
心也公居太學鄭公曄時為大司成聚諸生選
於多士以公通讀近思錄講論良久嘖嘖曰多
士中一人云明年選學士李文忠公薦公行誼
為 光陵叅奉及上追尊私親立禰廟以慶設
科取士公不應曰縱不言心不然違心覓科可
恥也後為活人別提禮賓直長義禁府都事再
為宗簿主簿出為奉化縣監公居官好清淨持
法無私邑豪兼并者多憚之故相李敬輿為按

使受人之言因考績黜之慙悔曰吾從此有咎
即移傍邑供給行李公長於我十年余敬事之
相知最深公平生不以得失易其操又不枉道
而求譽性至孝其事親唯恐一事不得盡於事
親之心鄉黨皆稱賢及父歿公已六十其居喪
之節不以衰故小懈也後林公壇為吏曹聞其
賢特除山陰縣監忤於大臣臺諫論之竟以老
適之公自此益不樂仕宦因落南 顯宗五年
命年八十以上官六品者皆賞資公以八十陞
通政仍授軍職副護軍明年乙巳正月歿於西

原其三月返喪祔陽故山至十月乃葬宜人安
氏合葬宜人中古相貞愍公璿之五世孫也少
於公一年先公十五年六十五沒賢有婦德生
四男一女男錫行錫明錫亨錫平錫亨進士婿
儒生韓相重銘曰
嗜古篤行以至壽考敬忠之勸孝悌之報

贈都承旨崔公墓銘

公諱東武字正則姓崔氏朔寧大姓六世祖恒
本朝名臣謚曰文靖曾祖 贈司憲府執義濟
哲祖 贈左承旨繼宗父 贈吏曹叅判拊母

丹陽禹氏高麗名臣仁烈之後也嘉靖四十一
年壬戌公生比長受學於大司成禹公性傳禹
公陶山弟子而於公為外家從祖兄弟也十七
禹夫人歿萬曆十六年二十六補國子進士後
四年先府君歿既除喪擢甲午庭試初授成均
學諭三十五年丁未以獻納移掌令忤用事者
貶鏡城府判官後為安邊安邊舊俗鬻魚鹽饒
稷麥不務種稻公至築堤穿渠興灌溉之利辛
亥為司諫任叔英直言對策當削科公在諫院
力爭乃止乙卯廢主大興作治宮室術士李懿

信言遷都事公引秦漢古事歷陳利害癸丑復
為司諫有安衛上變事公又極言寃獄無辜諸
囚皆得釋一時多之時鄭造尹訥首發 母后
別處之議公始貳於此見世道大亂謝病歸田
里後累為司諫輔德皆不就或謝恩而去不復
與朝廷事矣甲寅六月庚寅公歿年五十三葬
南陽治西德冬音後九年癸亥 仁祖克大難
公追爵承政院都承旨公性剛直守正好儉素
不事營為坦然於喜怒不以纖芥介意平生不
肯循俗俯仰卒不大顯亦無戚感於窮而樂飲

醉自娛其銘曰

捷徑而顯不如直道之窮書諸石表幽宮

貞夫人沈氏掌令源河之女籍青松庚申男鶴
為平康縣監奉養於官所其九月歿年五十四
柩葬同原薦官止司憲監察壻四人左議政元
斗杓縣監李尚節朴稹咸陵府院君李澥庶出
男二人葩矇嚙廢朝貴臣柳希奮壻也生五男
一女男栢年判官次碩年正郎次永年翼年皆
生負次奎年壻許昌庶出男二人參年斗年女
一人壻崔球

節度使裴公碣銘

公諱時亮字子明姓裴氏本星山人中世有大
司諫規規生閑閑為左司諫閑弟閏為正言父
子兄弟皆入諫院閑子允詢進士始居金山今
五世云大父仁範以善行聞為靈山縣監父興
立工曹叅判當倭亂有戰捷功追爵左贊成大
母金氏有節婦行工曹又以孝友聞金山新下
表母子節孝之間母礪良宋氏明 神宗三十
二年八月丁酉公生二十七擢武科第一人初
授禮賓寺主簿歷備局郎鍾城府判官訓練院

僉正都摠府經歷三水郡守乙亥以母憂去丙
子之亂起復從嶺南左節度使閔泳泳敗死公
代領其衆勤 王至忠州聞事平遂罷兵歸戊
寅春為肅川都護府使其六月移嶺南左水軍
虞候籌司以能請 上還任肅川尋以不次擢
折衝將軍改關西兵馬虞候三年拜揚州牧使
癸未冬為平海郡守乙酉以謹軍兼訓練院都
正冬為湖西節度使明年秋錄寧國功臣原從
一等戊子九月復出為關西節度使三年改京
畿水軍節度使兼三道統禦使癸巳移嶺南右

節度使 上引見曰列邑形勢太重節鎮反輕
以憚壓強禦責卿乙未冬復拜訶鍊院都正丙
申秋特加嘉善因故爵俄拜副總管冬拜捕盜
大將丁酉正月為湖南節度使其十一月巡閱
兵馬到長水縣劇病卒年五十四 上以禮致
祭令三道列邑護喪歸葬坡州公雖武人好文
雅自守廉謹擢在列將嘗五典州府五領節鎮
田宅不加益恬退未嘗銜名矜能不媚人先撫
恤宗族人服其至誠此其舊家素所遺教然也
貞夫人靈山辛氏士人應望之女與公同年生

先公八年卒年四十七葬於坡州及葬公乃同
塋而窆有男女二人男曰命虎歿折遺有二子
長曰尚球次幼女縣監安緝妻銘曰
節孝之傳懿且悖福祿之報裕後昆

郭佐即墓表

郭公諱期壽字眉叟其先湖西之海義縣人
昭敬中以科目得仕為禮曹佐即出扶安縣監父
母皆九十餘棄官歸樂家居以為養至光海時仍
不出三十年作安宅誌四方解又有閑居諸作足
以任寬居足以警後人好林居別號寒碧老人以

壽考終男致堯為直長孫聖龜為綾州牧使曾孫
齊華方為司諫院司諫無掌史局其弟齊恒亦進
士信乎有德之世天道之報不差有如此者云

利川府使盧公墓表

三韓之盧有二族皆貴大其一本於交河其一
出自光州今光州之盧尤盛公光州之世也諱
大河字某國初相嵩之後而倉守 贈贊成翊
之曾孫活人署別提 贈領議政鴻之孫敦寧
府僉正 贈左承旨克慎之子母德山李氏清
州牧使增榮之女嘉靖丙午十一月二十日公

生通敏多才所交遊皆一時聞人公名譽早著
伯父蘇齋相國文定時竄窮海之珍島風波險
惡道路千里公十九涉海從之學既通累舉不
中慨然歎息恥以科目發身內植益堅二十九
初筮仕為恩津義城皆有治績壬辰之亂 上
西幸公以司贍寺僉正從 上上命百官有親
老者皆令勿從公以父母皆老故得私其家轉
入莊關其七月謁 世子於伊川以翊衛奉使
至行在所為司僕寺僉正仍為檢察使金應南
從事掌義州龍川芻糧搬運等事甲午既復命

拜司憲府監察尋出為安山郡守未久以病歸
時家奔竄關外其十二月大夫人歿既守墓三
年妻李氏歿而又寡妹無子死以大亂未定皆
旅葬博川於是其有請風丹陽之命而皆不赴丙
戌先大夫歿於湖南既歸葬化寧遷諸喪旅葬
者以返公歎曰妹死而無子吾不忍後也故淑
人之葬最後遷壬寅由典簿出天安兵亂殘破
之餘初行大同法以便民列邑皆效行之及荒
以治理第一陞利川都護府使三年謝病歸後
三十餘年百姓追思不已立遺愛碑庚戌十二

月廿五日公以古阜郡守歿於官年六十五將
殮郡致祿用紵衾并邑縣監朴忠生來視殮不
許曰公平生不以奢侈為禮遂不用明年葬化
寧公服膺賢父兄之教訓篤行孝悌居處必嚴
雖家人父子未嘗見其惰容好儉素有禮讓以
為家法沈相國喜壽知公最深以公行已之正
治家為官之方一以問學為本云初娶叅判申
湛女生二女婿二人李栻金仁鳳栻進士後娶
節度使李珣女生三女二男女一人適進士許
遵一人適觀察使洪靈一人適士人李三近男

曰道立道一道一前咸悅縣監內外孫至三世近五十人

監察李君墓碣陰記

公諱以健字誠之姓李氏本慶州人中古名人贈承政院都承旨龜之四世孫也曾大父洙仕至郡守大父愷胤為庫令父弘業我昭敬二十四年以持平忤於當路者貶鏡城都護府判官明年壬辰東方大亂咸鏡道皆叛賊勢益強二王子皆被執郡縣爭縛長吏以迎賊先府君又為叛卒所縛降家皆陷當亂以為家全不全

不可知嘗命公以太夫人避亂窮北深處以故太夫人得全公聞變泣辭太夫人往往右衛將吳應台軍中聞先府君還自賊中又為大臣所拘持在行在所得罪而母李氏妻尹氏亂中皆自殺云遂來先府君所上疏訟冤賴大臣救之流吉州四年上寬赦之因寓居北青居山驛一年先府君歿既反葬之七年太夫人歿公當亂離憂患積苦艱難前後持喪又九年光海二年為奉慈殿參奉歷造紙署別提義禁府都事內膳寺直長司憲府監察既光海政亂嬖倖用

事公抗直不肯卑事權貴以此罷公既失職絕
意仕宦自老於臨湍為丘墓鄉故也年七十二
歿崇禎六年某月某日前夫人郡守尹克仁之
女亂中既守節死之而生二女其二壻洪漫丁
好悌好悌進士後夫人坡平尹三省之女又賢
有至性恩義信於僕妾前夫人壻洪漫夫妻皆
亡有二女育於夫人以至成嫁夫人少於公十
五歲公歿八年夫人歿崇禎十四年某月某日
為六十五歲男彥茂以善行聞壻尹相彥茂之
子三人泰來泰陽泰萬泰來亦善士不幸早歿

公又有庶出子二人

宣寢郎金君墓銘

君諱夏振字叔玉姓金氏金氏出自新羅我
太祖功臣鷄林君諱稠之後也鷄林君四世有
直提學諱千齡直提學生大司憲諱萬鈞大司
憲生左議政諱命元左議政生別提諱守仁別
提為伯父湖西節度使諱慶元之後皇祖考皇考
諱南獻皇祖考皇考皆早世妣永嘉權氏政府
舍人昕之女君生未長父母俱亡祖母韓夫人
鞠之比長能自知讀書聰明介潔方正雅飭望

見可知端人正士三十三擢進士第一人自直
提學大司憲節度使三世皆以壯元顯三世而
至君又選國子壯元金氏六世壯元四世以此
君名益著後補宣寢齋郎年三十七歿君無祿
於世官止一命又不得年賢不食報不知天道
者何也孺人李氏判書基祚女也有婦人懿行
君亡哭之至於滅性有一男二女男曰夢臣女
一人嫁士人朴泰維一人未笄君有長兄始振
方為春官亞卿兄弟為知己悼君之秀而早歿
嘗言君齋郎時適祭先妣聞兄疾卒甚私歸既

攝事將返

上遣中貴人察諸

陵寢未發君

聞之即不返曰已干法矣待逮理卒得罪無悔
色吾見人之情得一官則喜失一官則感君見
義明行已正不以得失動其心如此昔我直學
公簡靜以苟進為恥遺風餘教為子孫守於君
亦可見吾嘗與君論古人之學君一言即信吾
心甚喜以為聰明敏識可期於古人不幸歿折
至今追思良為慟惜慟惜銘曰
生而苟得其正歿者不為歿生而不得其正壽
者不為壽而天道之報其於善人者薄而於不

肖者厚終使禍福易施吾何咎有物者之咎

崇禎處士墓銘

公諱是楹字以承姓金氏其先出自新羅新羅至敬順王國絕有王子錫事高麗食邑聞韶子孫為聞韶人自太子詹事龍庇見於譜牒十一世有生貞璉於公為三世祖祖察訪守一父進士澈叅判涌之弟而為伯父司成克一之後母善山金氏察訪宗武之女大司諫就子之孫觀察使柳仲郢之外孫也萬曆二十六年二月十一日公生少聰明嗜學以才行發聞卓然異等

聲名重於江左自丙子大亂之後讀書不出四十年既博於百家專以經學為本卜居陶洲從泉石之樂自號陶洲其里名大瓢亦曰瓢隱樂間暇吟哦自適晚年不復作詩遣興曰多言害道與學者言舉其大義令之自得而已亦不役志於文字之末也好禮哀粹編類書未成謙抑不居著述迺止永嘉都護林壇後推薦之為陵署郎不起又後廉使連以文學耆德累薦於朝不果召上之十年公七十二嘗無疾一日盥浴更衣與親舊諸生會於山齋歡與語終夕朝

則悠然而化七月十三日甲辰也會哭者百餘人既殮歸殯於家其九月丙午葬于臨河東松石山南麓公嘗言我死書吾墓曰崇禎處士之墓可也門人承文博士金學培書銘旌曰崇禎處士之柩而葬焉公平生尊信經訓居處必有禮言動必有節嘗讀中庸曰聖人心法在此沉潛積學既用力久而見理益明踐履益篤勉人必以整容貌謹言行辨義理審取捨正出處之義也與人忠愛信順敦厚樂易至臨利害辨邪正辭氣截嚴使人肅然敬憚愛而知畏儼恪有

則充然德全者也謹喪祭篤恩義蓋其家法已立而又其居家細節金學培博士論撰言行記盡矣公初娶豐山金氏持平奉祖之女有懿行四十一歿生六男四女男邦烈邦衡邦杰邦杰邦贊邦照烈生負杰縣監壻權克中金輝世權克正鄭自固後娶英陽南氏處士振維之女生二男三女男邦顯邦謙壻金宗汲李俞吉季女未嫁八男七女子孫百餘銘曰
懷道遠引碩人之貞安樂壽考碩人之亨秉德守正碩人之名

贈判書朴公碑銘

贈刑曹判書朴公旼字泰熙本密陽人大父務安縣監榴以壽考秩從二品父 贈漢城右尹宗秀母原州元氏高麗政堂文學松壽之後也我 恭憲初 文定垂簾時有士禍舍人丁璜竄巨濟公年尚少從而受學既才藝早成初為親應舉親歿則不復求舉居家有禮令聞日多一時南中士多推許賢之我 昭敬王二十五年有倭寇國大亂兵革八年避亂丹陽三年客死而葬乾坪年五十五公初娶載寧李氏生一

男一女男震英 仁祖世以平山都護府使為西海道防禦使振武原從進爵判敦寧府事推恩公至上卿塔縣監卒殫後娶昌原黃氏生一女婿郡守李達判敦寧少讀書業文學當大亂慨然以騎射發身而能守先人之教臨亂與人守死不背功多而不伐其勞好禮讓教家言必稱先訓蓋其賢有自而公之教子孫亦可表於後世者章矣夫人李氏長於公二歲而公三十八時歿黃氏少於公十四歲而寘居十八年五十八歿今公死之後八十八年乞銘者判敦寧

子儒生朴亨龍也有長兄世龍早歿有庶兄弟
八人以武科得仕者二人庾龍栗浦水軍權管
任龍積城兵馬都尉其銘曰
良善無祿天道必待後人是勗是篤

韓司果墓銘

韋布生韓德亮為其先府君乞銘於穆曰吾上
黨之韓族世舊遠自始祖蘭至吾先人二十世
其間中贊康右政丞渥清城君公義文敬公脩
領議政尚敬文襄公世美最貴文襄之後牧使
嶽副司直亨俊進士璿嘉善彥洵至吾先人為

五世吾先人諱潛字德源又字得源才藝早成
累試不利以文襄功蔭授西班禦侮將軍行忠
佐衛副司果恥名不著自屏海上好樹藝與人
無競口不言人過失簡潔雖親戚交友官顯則
不見或勸之仕則笑曰樊廬蔬糲吾分也居家
有法祭祀必潔誠器品有常式祭器不雜燕器
使僕隸有序分職授事量入為出歲饑日為食
贏餘以待餓者塲有遺粒必拾之戒之曰天物
不可踐也二弟洧洺洺以武得官洺最幼與之
同衾而寢懽愛無間不幸早歿丙子之亂其孤

子被擄以亡弟之故尤悲憐泣思常默禱孤卒
得歸人皆曰至誠之感也有姑寡居無所依事
之三十年歿而其葬祭一視親母平生言必信
行必敬居處必靜淨寫字必楷正此皆不肖學
而未能者也前娶八溪鄭氏務功郎鑰之女而
無子後娶驪陽李氏宣務郎友廉之女生不肖
先人隆慶五年十一月十一日生崇禎十年四
月六日歿年六十七葬安山海上三閘洞亮早
失先人略舉耳目所睹記煩長者以過譽溢美
貽先人之羞亮大懼也余應之曰不亦善乎吾

聞古人尚慤其道不言而敬忠以勸子之先君
子恬慤自守居家信順以篤忠愛蓋有隱德高
行不見知於世者耶銘曰
忠而敬恬而淨不求不競

玄吉州墓碣銘

前豐川都護府使玄侯太始以其先大夫吉州
公之葬屬余為銘余不得辭謹叙其族世系官
爵姓名及其事終始如左公諱某字 姓玄
氏其先本順天人玄氏見於高麗自版圖判書
忠守始大其子佑為賓客寺事賜紫金魚袋佑

生仁亮為忠清道水軍節度使領管軍招討營
田事三世著顯五世至積福我 昭敬時以行
誼得仕為殷山縣監於公為皇考及光海時以
少子某貴為節度使故例 贈吏曹判書妣蔚
珍張氏 贈貞夫人公以武舉顯初授宣傳官
歷定州判官都摠府都事經歷又歷治甕津松
禾寶城郭山仍陞折衝將軍又為高嶺鎮僉節
制使金海都護府使吉州牧使兼南北道守防
禦使自壬辰以來國家多事辛卯公丁內艱居
廬而起復有松禾之命於是當兵革之際飢饉

荐至公板蕩之餘能調兵賑飢名譽賢於西州
歷守邊邑積勞遷秩至正三品平生以官為家
未嘗營立產業為子孫計而又其居喪之節孝
友之行多稱於士大夫而鄉黨共禮賢之公既
年老以丘墓之寄家於延安之年七十九卒既
卒以宣武原從追爵從二品 贈嘉善大夫兵
曹叅判夫人蔡氏趙氏皆 贈貞夫人趙夫人
故禮曹叅判諱某之孫合葬於麻田分石山東
麓已向為兆蔡夫人既早卒而趙氏共厨四十
餘年子孫滿前先公一年卒公有二男三女男

豐川最長而其次太和早歿女一人適成均生
負尹炯一人適趙仁輔一人適李以晉惟嫁為
尹氏婦者蔡氏出也銘曰
惟孝友樹已厚壽而通報且豐崇四尺之封惟
大夫之宮

李判校墓銘

公諱後爽字君保系出宗室我 成宗諸王子
益陽君懷之四世孫也公聰明嗜學少師事李
英彥先生學詞賦於農圃公農圃公者母鄭夫
人之叔父文學也十三四始以才學發聞農圃

公亦嘗稱許以為高才 仁祖二年選太學上
年 上幸太學選士公登丙科第一人及第補
成均學諭累轉學錄學正甲戌例陞典籍遷司
憲監察乙亥改刑曹佐郎丙子為良才察訪丁
丑有母憂居喪守墓三年己卯除黃州判官一
年以疾去百姓追思不已辛巳光海君遷濟州
死 上命喪用王子禮公以禮曹正郎從曹長
涉海以喪返壬午拜成均直講癸未復為禮曹
甲申兼記注官其年有父之喪哭之幾滅性丙
戌為兵曹正郎己丑為青松都護府使有德政

碑甲午為右通禮尋改濟用監正後連補外為
寧海鳳山政稱廉平戊戌為左通禮庚子復出
蔚山修舊政革弊事凡十餘條治大盜當賞公
固辭不受連歲大無發倉賑之德之者皆曰當
有陰德之報以荒政不舉罷民心皆惜之甲辰
為尚衣院正丙午以左通禮改承文院判校兼
編修官卒立朝四十年不樂聲勢沉於下僚常
曰祿仕者盡於官守足矣不以官小或怠嘗事
親必躬執饋養不任僕妾姊妹兄弟子之孤寡
者視之一如父母之視之也宗族歸心焉平生

以愛物為心謙恭篤厚教子弟一以自多為戒
口不言人之過而見人之嗜利附勢若將浼已
廉潔自守不以拓落為恥曾大父龍川君壽閑
大父仁城君倣父平林君祉胤母縣夫人鄭氏
廣興奉事文升之女公生於 明神宗萬曆二
十一年正月十四日歿於 上之七年三月十
八日年七十其閏四月九日葬于砥平蘆洞南
向之原先兆之次淑人李氏籍龍仁副司果聖
望之女男瑞奎壻成均生負李國憲銘曰
不數數於通不感感於窮多而不有約而不誇

鳴呼有德者之夥也夥

白處士墓表

君諱瑞羽字雲程姓白氏本隋城人其先多顯者大父天民叅議惟讓之諸子也當己丑獄其家皆滅死因落南居晉之南境至君為三世父弘悌宣祖世以義特聞除軍資奉事母李氏籍咸安父大壯萬曆四十一年二月丙申君生學讀書能夙成弱冠遊泮宮泮宮士多愛之者奉事文嘗語我曰吾兒讀書嗜善可教吾深愛之君佳士與人無表襮以為人寧負我我不負

人思欲必忠必信平生好言論重儒術聞人之善慕之如嗜欲君累舉不中嘆之曰得失命也不幸早失先人雖得一命無以為悅遂棄舉子業恬淡閒暇嘗與我相從入海觀虹門九井遊合浦同登月影臺君晚年卜居州西峽中從山水之樂漁釣上之八年十二月戊戌年五十五死壽雖不終可謂善人之善終者也吾年老知舊日亡固知死生之常悼長逝者為之愴然疚心亦自悲也君初娶康津安氏縣監克家之孫也生而章女一人壻鄭萬齡後娶谷城禹氏

無子又有庶出子二人皆未成童銘曰
薦於親仁見善若得於其身可稱於後人

贈吏曹判書趙公墓碣銘

公諱宗道字伯由姓趙氏咸安人五世祖旅魯
陵元年進士當世祖時遁世自守號曰漁溪
隱者漁溪三世有安陰縣監應卿以行誼發聞
見於咸州人物誌於公為王父皇考諱堰受業
於宋圭庵門下亦賢而隱於世者也明宗時
召除官不起母姜氏大司成老之孫也嘉靖十
六年二月甲寅公生生七歲能屬文十歲學於

隱君子鄭斗先生先生奇偉隱遁世莫有知者
也公聰明過人於經史諸子一讀終身不忘二
十二陞上舍以公薦初授安奇道察訪時日本
遣玄蘇來蘇以詩試我多慢易之見公作必再
拜而讀之累轉掌隸院司評因為陽智縣監繻
衣以政清聞上賜表裏以獎之後累官或起
或不起丁亥為金溝縣令有叛主奴托屬傍邑
來訟不以曲直專以強弱為勢公不撓立決之
還其主人心大服己丑邑有上變獄事多冤當
捕囚公心知其無事故脫之即罷後公亦坐連

累與崔守愚先生並逮繫經冬守愚對獄卒呼
叱如奴公諧笑自若獄中為之語曰崔司畜之
呼叱趙塗溝之諧笑縲紲俱忘崔守愚竟瘞死
獄中公得釋每言及守愚輒涕泣壬辰有倭寇
列郡望風奔潰賊乘勝而前公嘗至京師聞亂
南歸與正言李興相遇慨然言討賊事約為同
死至咸陽見招諭使金公誠一大喜傳檄郡縣
即起兵金公以公為宜寧假守至則郭公再祐
已起兵於宜寧公即推與之還見金公道聞兩
京不守而車駕已過重江以為國亡矣欲臨江

右投而死之金公曰不可道說不可信且徒死
無益也公然之時 上幸龍灣以義兵功賞公
爵掌樂院僉正改丹城縣監時當大亂之際國
內大饑公發倉賑之不足則傾私貨以繼之其
年金公為巡察使遘癘疫卒於軍公辦其喪明
年棄官歸後有安州清風之命而以病不赴丙
申為咸陽郡守丁酉賊復大舉而西公上書體
相乞全付一郡兵民以死效之遂獎率境內據
險守之已而有命守黃石公即與安陰縣監郭
公趨謀繕完城壘未幾公適咸陽皆曰守城危

又無官守可以去矣公曰吾既以死許友而賊已急義不可去咸陽子弟初欲散去聞公之義即從之主將白士霖曰城險賊易與耳及賊薄城士霖夜毀城逃去城遂陷公與郭公北向再拜而死之八月十八日也公年六十一妻李氏故叅贊俊民之女也公知事不可為以死自誓令妻子出去李氏曰老妾當從死義不可去也遣其二子曰毋令趙氏絕祀也守節死之而郭氏闔家皆死事聞 上以禮賜祭初 贈公司僕寺僉正後累 贈吏曹判書表忠臣同鄉人

立忠賢祠以祀之初葬黃石下戊戌改葬晉州之召南公有至性高行事父母猶恐不以父母之心為心仁於親戚於交友忠而每商論古今治亂人物得失詞氣嚴正足以勵人見世道日汚飲醉笑傲以自戲自號大笑軒磊落一不以居家生產自累柳相國成龍嘗稱之曰伯由外若軼蕩內守堅確有烈丈夫風有子男三人長子英海早死次英漢城陷被虜而還者也英混最少女四人其壻權淪金夢芝盧肱鄭益乾其銘曰

許友不辭死義也殺身以徇國節也惟義惟節忠臣之烈也

陳君墓碣銘

陳九疇字倫叙本驪陽人居積城之通溝司憲監察郁燕歧縣監漢臣宣務郎義胤其曾大父大父父三世也宣務公年高君顏色忠養人皆曰善行 仁祖十四年冬有狄亂金城山峽中狄人縱兵大掠山野猝遇賊宣務公當鋒刃迫君急以身蔽之賊擊之宣務公得全而君殊而未絕三日而死垂絕亦與妻子言猶奉養數語

而已諸聚觀者皆流涕而言曰善乎孝子之心也死而不忘其養云君死之時年四十七十五在正月廿九日瘞之山中其三月返而葬紺岳北麓既葬同里父老嘆息言曰不可使至行湮滅合辭具告官事聞 仁祖命旌表其閭曰孝子陳九疇之閭十八年庚辰也後五年甲申改葬通溝陳氏族葬妻李氏宗室女 成宗諸王子益陽君之五世孫也生二男曰卧龍次龍亂中長子纔十九其次未成人宣務公哭之傷心其明年歿其二子連有喪既卒喪之明年長子

死又三年次子死其長子娶妻未久而死無子
其妻沈氏求同姓子克諧屬其祭祀今經亂已
三十餘年孺人李氏既窮獨至老買石表君之
墓叙其事如此仍銘曰
嗚呼至行之報天之使無後嗣者命耶

海翁尹叅議碑

尹善道字約而海南人四世祖國子上舍孝貞
自戊甲以來隱居不出自號漁樵隱者生弘文
副校理衢亦已卯名人事在己卯黨籍校理生
右叅贊毅中右叅贊二男長惟深次惟幾惟深

官止副正惟幾為觀察使公副正之子而觀察
使之後子也其本生母安氏左議政珉之孫也
萬曆十五年公生聰明善學博讀經史百家如
醫藥卜筮陰陽地理無所不究二十六補國子
進士當光海時從草野上疏極言嬖倖臣李爾
瞻專政擅國議政朴承宗王后兄柳希奮忘君
負國疏凡累千言朝野大驚竄極邊慶源窮北
二千餘里地接胡以為戊申以來凡得罪流竄
怨國者持國陰事以與虜通盡遷之南邊公移
機張亦東海隅口出癸亥 仁祖既反正大釋

囚公居謫十五年而返累除官皆不就前時
且言被罪者皆當擢用而公丙辰疏言金梯男
事有沮之者張公維曰荊軻雪燕之恥而求首
於生於斯善道請誅爾瞻而顧惜於死悌男乎
言者乃止戊辰為大君師傅嚴立學範教訓以
小學為本每講學必引古公子得失善惡反復
盡之上愈賢之公子亦尊禮益謹仕滿當遷
上以為善於教訓不遷者五年壬申乃得遷為
戶曹佐郎正郎司僕寺僉正漢城府庶尹癸酉
登科目為侍講院文學世子家為飛語曰善道

陰有謀將不利於世子公聞之即棄去甲戌星
州以罪人鄉降為縣公為縣監有上旨極選
任之而實心忤所斥也時三南量田多怨上疏
言輕田政以寬民當事者怒公當得罪上寬
之遂謝歸不復以仕進為心丙子之亂公聞變
以為國大亂無可與計事者而江都宗社所
往諸公卿大臣多往者欲從之募鄉邑子弟出
家僮百數浮海出大洋江都數千里舟行無晝
夜甚迅至則城陷已數日南漢受圍四十餘日
命令不通或傳上已潰圍東出賊塞路公度

車駕已不可追而湖南絕遠大嶺之外以阻阨
得全急回船還至南方可以得達 行在所至
海南聞 車駕下城仍欲入海得小島山深水
清可居遂居焉連為司導寺正大同察訪皆不
就而臺諫論之至逮繫而實無事判義禁李德
洞曰善道居遠方間變浮海赴亂海路絕遠縱
不及忠臣義也 上特以不奔問徒配盈德周
年乃還因遨遊物外如金鎖聞簫皆海上山水
處甲甲 上有疾太醫白 上召之公病不赴
召上疏曰心為一身之主臟腑竅脉氣血陰陽

遇順盛衰皆係於心心安則體安風寒暑濕鬼
魅百邪無自以入心不安則反是仍論藥石攻
疾以喻治國保民不報及昭顯卒而有大獄置
三 王孫於濟州己丑 孝宗即位時烈浚吉
以伐胡復讐動 上意遂用事矣公復上疏言
修身修道仍及寬 赦王孫事從縣道上之監
司李時萬不上公令其子仁美上政院政院欲
却之久而後乃上 上傾心答之曰願欲親聞
謹言用事者見 上意在公恐復入沮抑百計
上意欲用之三司館職而掌銓選者以為司藝

亦館職也遂除之 上特召之至都門之外上
疏請罪乞退不已 上即召公入特拜承旨令
常侍 經筵用事者益忌之又上疏力辭乞退
遂行 上以為陰計所擠令政院勉留之 特
拜禮曹叅議更陳不可冒進之意乞生還故里
又上時弊八條以臣元斗杓所為絕橫請裁抑
之以保全功臣云金自黜宋時烈元斗杓各立
儻爭權點敗死杓付於時烈右斗杓者論以削
職放黜 上初既許之而即復叙時用事者方
議盡出島民沿海諸漁子于江都築諸城壘又

有量田號牌之議四方騷擾公極言不便 上
寵答之而朝廷不用也島民築城事 上特罷
之而移沿海諸漁子亦多議不果移丙申又應
旨進言論政弊累千言丁酉 王后有疾召至
京師 上特拜工曹叅議時論以為 上意難
動詆毀日甚公陳情乞罷疏十上政院終不納
公言其擁蔽然後乃上之公請去不已 上知
終不可強留乃許浚吉追誣鄭介清事至毀其
祠公又上疏極言卞白時議指為邪說白 上
却之攻擊益作公遂罷明年 孝宗登遐左相

沈之源啓 上召議山陵事既卜吉於水原而時烈浚吉怒曰卜山大事不可專聽於善道遂有改卜之事公不從則論以不敬請罪而上不聽公私謂曰後必有遷陵之變後十五年山陵內崩改葬驪州前年 大行之喪 太后嘗服長子三年之制而時烈浚吉執體而不正之說又引檀弓之免子游之衰降而為期公上言宗統嫡統不可歧而貳之慷慨彌切上持之於是皆以為語犯 先王誣陷賢者以感怒 上心請按律 上命安置三水三水北邊

窮處占三江虛川挹婁之地後為靺鞨山澤早寒五穀不生青江以外婆豬雜種故居玉堂俞祭者白 上焚其疏辛丑以天旱移配北青時烈浚吉沮之亦不果移判中樞趙綱因求言旨上劄曰善道何罪也善道之罪言宗統嫡統為 孝廟左袒也善道獻疏之日誰為 殿下進焚疏之策也高麗恭愍王焚李存吾之疏曩時光海焚鄭蘊之疏國史書之野史記之曰某朝某時焚尹善道論禮之疏為 聖朝之累何如也綱削奪官爵公加罪圍籬安置癸卯校理

洪宇遠又上疏極言宗統嫡統之說請寬釋善道宇遠禁錮乙巳又因旱移配光陽亦極南海濱風土甚惡有癱瘓奇恠疾客居者十死八九後二年大旱上念其被罪積久欲釋之問于大臣皆曰可釋也惟首相洪命夏不可上特釋之公既赦出因入海行吟島濱有山中新曲漁父詞入海五年八十五公歿顯宗十二年六月十一日歸葬聞簫故里從治命云其明年復官爵後三年仁宣王后薨太王太后服妾子婦大功儒生都慎徵上疏言古禮經文不

然上覺之乃親考經文命入善道庚子論禮疏而既焚之闕下亦不載實錄不入也及上即位召用論禮得罪者諸臣烈安置北邊用事者以為德源亦北邊邑安置德源後改熊川首相積曰熊川病鄉此殺人也又改長髻有李有湏事烈巨濟園籬安置古已死削奪官爵邦禮既正當告廟頒教為積所沮不果公亦當追爵議政積又不可降吏曹判書太常議謚曰忠憲上之六年積敗死烈諸客復進烈復爵位公削贈爵賜謚公峻正以積仁累義博施

言身集卷之十九
三十四
利物為心曲禮小惠干名要譽為恥言不苟合
行不苟容於患難窮阨一也以直道擯斥居囚
籍前後二十年指天而正雖九死而不悔終始
一節見義不明守死不易其能此乎又考其居
家教家不失儀式尤致謹於男女之別內外之
分如曲禮內則之教為汙俗無教之警亦大矣
龍洲曰自古當興國亡國之際天必生一人守
禮死義有以警一世而教後人者有如此人云
自公入海老人號之曰海翁一時皆以呼之或
曰孤山先生孤山國東郊江上舊業其墓銘曰

比干剖心伯夷餓死屈原沉江翁窮且益堅至
死不改其見義守死一也

貞夫人尹氏籍南原判書暉之女亦有婦德一
門稱賢後公一年生先公十七年六十八卒墳
墓舊在海上水晶之洞及葬公遷柩聞蕭長男
仁美亦以多學聞有名譽公謫居三水時登第
擯斥於分館禁錮十三年公死之後四年死至
今上三年追爵司諫院獻納次男義美進士
又其次禮美皆早歿有二女婿沈光沔李保晚
又庶出男二人循美直美女三人直講李翼老

妾黃道彬楊憲稷妻仁義子爾錫 上特除尼
山縣監義義子爾厚今年新補國子生負持先
狀乞銘於老人者也

記言別集卷之十九終

